庫全書

子部

とこつきたよう 盖挈命合糧周官之制振原同食左氏所述自告兵車 兵法曰與師十萬日費千金又日千里饋糧士有機戶 欽定四庫全書 /會資雇之給曷嘗不以宿飽為念哉由漢以来或與 冊府元龜卷四百八十五 **那計部** 濟軍 濟軍 輸財 丹府元遍 宋 王欽若等 撰

漢蕭何為丞相守關中時漢王與諸侯擊楚何輙以便 度俾無後變之患以助惟揚之武克贊茂勲輔成大業 戎整泉擊冠伐敵縣兵以深入堅壁而相持飛輓所須 金好四月在書 傳所為公家之利知無不為者也 乏絕是慮乃有良臣受任忠公匪懈經營調法周濟用 後漢馮異為征西大將軍討赤眉屯軍上林苑中時 宜施行關中事計戶口轉漕給軍 姓俄俄人相食黄金一斤易豆五升道路斷隔委輸 巻四百八十五 百

内堅守轉運給足軍糧率属士馬防退他兵勿令北渡 淇園之竹為天百餘萬淇園衛之苑多竹篠也養馬二 千匹收租四百萬斛以給軍 而已光武於是復北征燕代向移書屬縣講兵肄射伐 吾将因是而起昔高祖留蕭何鎮關中吾今委公以河 冠恂為河内太守行大將軍事光武謂恂曰河内完富 風将兵助具并送練穀軍中皆稱萬歲異兵食漸感 不至軍士悉以果實為糧光武詔拜南陽趙康為右扶 丹符元值

| 欽定四庫全書 關中足食成軍亦造當爾 魏鍾繇漢末都督關中太祖在官渡與來紹相持縣送 杜畿為河東太守太祖西征至蒲坂與賊夾渭為軍軍 相繼軍以復振 關右平定朝廷無西顧之憂足下之勲也昔蕭何鎮守 馬二千餘匹給軍太祖與繇書曰得所送馬甚應其悉 軍校尉紹破使都督充豫徐州軍糧時軍食少淵傳饋 夏侯淵為陳留賴川太守太祖與表紹戰於官渡行管 巻四百八十五

饑旱軍食不足羽林監頓川棗成建置屯田太祖以峻 東太守杜畿孔子所謂禹吾無間然矣增秩中二千石 てこう とこう 祖使峻典軍器糧運賊數冠鈔絕糧道乃使二乗為 為典農中郎將數年所在積栗倉原皆滿官渡之戰 任峻為騎都尉太祖每征伐峻當居守以給軍是時歲 妆其麥以給軍食 張既為雅州刺史太祖征張魯既别從散關入討叛氐 仰河東及賊破餘畜二十餘萬斛太祖下令曰河 丹存元遍

禁運糧前後相屬遼遂斬蘭成增邑二百戶并前千二 金元四月全書 其輸調軍食用足轉揚武將軍 郭淮為雅州刺史明帝太和五年蜀出鹵城是時隴右 於棗祗而成於峻 部十道方行為復陳以管衛之賊不敢近軍國之饒起 百户 無穀議欲關中大運淮以威恩撫循羌胡家使出穀平 于禁為虎威將軍時張遼等與陳蘭梅成相持軍食必 卷四百八十五

軍領郡 蜀王嗣為西安圍督汶山太守時大將軍姜維每出北 征羌胡出馬牛羊氊毦及義穀禪軍糧國賴其資遷鎮 尚為季時所敗遣使告急請糧弘移書贈給而州府 晉劉弘惠帝時為南蠻校尉荆州刺史時益州刺史羅 則無西顧之憂矣遂以零陵米三萬斛給之尚頼以 以運道懸遠文武匮乏欲以零陵一運米五十解與 弘曰諸軍未之思耳天下一家彼此無異吾今給之 **們府元** 遍

解以饋洛陽 武的聽之加都督司雅梁泰四州軍事帝遣廣威將軍 袁真為西中郎將哀帝隆和元年進次汝南運米五萬 固 將軍未行求運江州米一萬斛布五千疋以資軍糧孝 朱序為龍驤將軍監充青二州軍事求鎮淮陰拜征虜 河南太守楊佺期南陽太守趙睦各領兵千人隸序又

表求故荆州刺史桓石生府田一百頃并穀八萬斛給

銀定匹庫全書

卷四百八十五

大八百日本山 米千斛鹽五百斛諮議宗塞別駕宗史獻穀二千斛牛 佐史先遣寧朔将軍王法度向巴陵額胄獻錢二十萬 與梁王同謀起義兵加頡胄右将軍都督行留諸軍置 南齊蕭頡胄為冠軍将軍西中郎長史東昏永元二年 路繇臨海熹資給發遣得以無乏 宋臧素為建武将軍臨安太守孫李高自海道襲廣州 二千頭換借富資以助軍費長沙寺僧業富沃鑄黃金 州府元遍

金分四月月 為龍數千兩埋土中歷傳相付稱為下方黃鐵莫有見 梁劉坦為長沙太守行湘州事時高祖起義兵坦選堪 者乃取之以充軍食 在京師乃除與為貞威将軍建康令時累歲兵荒戸口 至後湖都色撥擾又四方壅隔糧運不繼三軍取給唯 陳孔兵為黃門侍郎時北齊遣東方老蕭軌等来冠軍 師資其用給 事吏分詣十郡悉發人丁運租米三十餘萬斛致之義 老四百八十五

北齊盧勇初為東魏揚州刺史孝靜武定二年卒年二 後周周惠達為太祖行臺尚書大將軍府司馬太祖出 後魏韓麒麟為冀州刺史慕容白曜攻東陽麒麟 餘因而決戰遂大破賊 麥飯以荷葉聚之一宿之間得數萬裏軍人且食記棄其 流散勍敵忍至徵求無所高祖尅日決戰乃令與多管 義租六十萬斛并攻戰器械于是軍資無乏 二勇有馬五百疋私造甲杖六車遺啓盡獻之朝廷

欽定四庫全書 管造戎仗儲積倉糧簡閱士馬以濟軍國之務時甚頼 鎮華州留惠達知後事于是既定喪亂無事多關惠達 崔猷為梁州都督時利州刺史崔士謙請接猷遣兵六 馬 家國之情助其費用周旋省覧以慰所懷 唐宋王成器為絳州刺史獻馬牛羊等助軍玄宗報之 千赴之信州糧盡散為送米四千斛於是二鎮獲全 曰塞草具腓秋風已勁張國容會軍實者孰先於此乎 老四百八十五冊原元記

韓滉為鎮海節度建中四年德宗行幸及歸京師軍用 既繁道路又阻關中饑饉加之以災蝗江南两浙轉輸 李齊運德宗時為京兆尹京師尚陷賊李晟軍渭橋齊 賜難徳進絹三千疋及金銀器 在擾攘中募人版築較獨量栗以應晟頗有勤績 府無虚月朝廷頼馬

潼

王難德為左武衛大将軍安禄山反難德從哥舒翰至

開殺麾下叛胡數百人扈肅宗至靈武行在無絹給

欽定匹庫全書 李鄘憲宗時為淮南節度使元和十一年以軍與進絹 乗驛諭江淮諸道俾助軍鄘以境內富貴乃大籍府庫 自是王師無匱乏之憂軍我一百八十五萬貫以進 絹三萬匹時朝廷以兵興國用不足命鹽鐵副使程异 宗季安亦出師以具飾運 三萬疋金五百兩銀三千兩以助軍十二年又進助軍 田季安為魏博節度使時中官吐突承瓘領兵討王承 年所蓄之外咸貢於朝諸道以鄘為倡首悉索以獻 卷四百八十五

萬貫 皇甫轉為戸部侍郎判度支元和十三年正月進錢三 王遂為宣歙觀察使進助軍錢三萬四千二百貫 盧坦為剱南東川節度使在鎮三年後請收閏月軍吏 韓弘為汴州節度使元和十三年進絹五萬疋又十四 程异為衛尉腳鹽鐵使進絹十萬疋並號美餘 年王師討淄青弘進助平淄青絹二十萬疋 糧料以助行管人多非之

欽定四庫全書 李遜為陳許節度穆宗初方銳意討賊諸道發兵例於 論美之故加檢校吏部尚書 度支貸借唯遜出兵率先諸道賞賜犒宴備於當軍朝 箭器械共五萬二千事 **禾栗二十萬斛請付度支充軍糧文宗時為河陽節度** 楊元卿敬宗時為涇原節度使實歷元年上言營田收 元錫為宣州觀察使長慶元年進助軍綾絹一萬匹弓 使奏請自出三月糧料自備行管以云楊元卿為 老四百八十五

萬 凡十次 張惟清為涇原節度使太和五年進助邊栗麥合二 王淮為鹽鐵使太和五年五月進羨餘綾絹二十萬匹 2 7. 10 Lat /14.5 段侑為天平軍節度使觀察等使太和七年十月侑奏 元顏文宗時為西川節度使太和三年奏發助軍第 司 般匹段二萬匹到河陰縣 經萬 贵以 Aþ 冊府元龜

金片四月全書 請起今年發遣當管鄆曹濮三州兩稅權酒等上供錢 方討滄鎮以助軍為名常賦獻之外進錢七十萬貫 境樂輸之心循省表章深用嘉數所奏依 阜安而又體國推忠率先入貢成三軍奉上之志陳 之後當數旱之餘動力奉公謹身守法緩及周歲已致 分為三道十五餘年雖班詔勅竟未入賦殷侑承兵戈 千萬貫栗五萬石勒天平軍元和以前也本殷實自 王潜為荆南節度使在任聚飲所至倉庫盈溢屬朝廷 卷四百八十五

張元仲為幽州留後時徐人作亂請以弟元臯領兵伐 王鎔為鎮州節度使僖宗中和二年進助太原軍士家 叛懿宗不允乃進助軍米五十萬石鹽二萬詔嘉之 統軍岐下羽在馮翊翰輓調發旁午道途俄而昭宗還 梁 長安的徵入朝錫迎鑾功臣之號 開平二年七月湖南節度使馬殷奏天軍先與本道兵 趙 糧光啓元年又進扈衛戰馬五百匹 羽唐昭宗天復元年徵為同州節度留後時太祖

欽定四庫全書 助軍 後唐張全義為河南尹莊宗同光二年五月進栗四萬石 使進絹五千疋兖州進絹三千疋 乾化元年十月北征密州奏助軍絹二千疋青州節度 将征討日聞其捷紹威進以備犒師之用 士同收復明州進賞搗将士錢十萬貫 不布清泰二年六月癸未極密宣微使進添都馬一百 月魏博節度使羅紹威進絹三萬匹時敵入臨汾諸 老四百八十五世府元寅

馬千匹錢千絡以助討伐辛丑鄆州王建立獻助軍錢 有此獻從表率藩鎮也 晋髙祖天福二年四月汴州楊光遠進助國錢二 てこうこここ 年七月丁西青州房知温獻馬五千疋鄧州皇甫遇 十疋河南尹百匹時偵知契丹冠邊! 郭延魯貢錢五百費馬十匹助征 絡絹千疋栗五千斛馬二千疋 月丙寅宿州刺史武從諫獻助軍錢五百絡復州刺 丹府元龜 日促騎軍故 萬貫

到灾匹库全書 絹三千疋銀一千兩玉腰帯一條馬十匹 戌徐州安彦威進助軍錢五千貫綿絲六萬已卯宋州 宋州趙在禮進助國絹三千疋錢二千貫陝府進助 五月丁卯許州長從簡進助國錢五千貫絲五千兩甲 疋絲五千兩花絁五十匹銀器五百兩 在禮進助國茶三萬斤鄆州安審琦進助軍絹三 月秦州康福進助國錢五十貫 老四百八十五 國

月甲午邠州安叔千進助軍馬五千疋

國銀一 進馬三十疋乙亥雄州刺史袁正辭進助國錢三萬貫 從誨進助國絹五千匹綿綺一 州安從進獻馬二十疋絹一千疋 九月辛亥湖南馬希範進助大茶三萬斤丙辰荆南高 月辛丑定州皇甫遇奏般軍糧、 月甲寅前荆州節度李德琉進馬三十匹丁已襄 一千兩般五隻 百匹癸酉鎮州安重榮 萬石赴魏州

癸卯宋州趙在禮進大小麥一萬石同州符彦卿進助

一欽定四庫全書 已楊光遠進助國錢一 進馬三十疋戊戌北京留守安彦威進助國馬二十 州安重崇進助國絹六千疋綿一萬兩晉州相里金進 百兩玉带五條戊辰鄆州安審琦進助國絲二萬兩絹 一千匹 |年正月壬戌昭義軍杜重威進助國馬二十疋銀五 絹 月戊寅徐州長從簡進助國錢三千贯同州符彦卿 千疋東京留守高行周進助國錢五千貫又鎮 一萬貫 老四百八章 **十** 五

三月庚戌安州李金全進助國錢一千貫茶三千斤 安重禁進添都馬五十疋 銀一千兩錢一千貫 九月許州進馬五十疋劒五十口銀裝鎗五十條鎮州 五月西京留守李周進助國銀二千五百两 白米三十石壬寅襄州安從進助國茶一萬斤 四月戊戌楊光遠進草十萬東栗三千石大豆二千石 月鄜州安審暉晉州相里金定州皇甫遇進添都馬 册府元遍

|欽定匹庫全書 十一月晉昌李周進添都馬三十疋河中安審信進助 進助國錢五千貫安州李金全進助國錢二千貫甲子 銀三千五百兩金酒器一副滄州馬全節進助國絹三 國錢一萬貫青州王建元進助國絹七千疋綿一萬两 三十匹秦州康福邠州安叔千共進添軍馬七十疋 十二月陝府李從敏進絹二千疋綾五百疋小麥二千 襄州安從進助國絹三千疋茶一萬斤 千疋綿三千兩緣八千兩添都馬二十疋兖州李從温 卷四百八十五

石同州符秀卿進助國錢一千貫絹一千疋戊戌湖南 進助國銀一萬兩秦州康福進助國馬七千疋銀一千 五百两細布一千疋廷布五百疋 李從温進栗一萬二千三十石 少帝以天福七年六月即位八年七月京兆府奏軍食 軍前進計四萬石 七年閏三月湖南奏差人押軍運糧米一萬石往襄州 不充左金吾衛上將軍皇南立進助國栗三千石許州 明寺に通 ţ

萬東衣甲器械一萬事件其驗馬器械請供奉官蕭處 馬暉表進馬三千三百五十匹駱馳五百頭糧草一百 開運二年尚食副使鄭延祚自邠州回齊新授節度使 欽定四庫全書 是年鎮州杜重威進廳頭小底牽攏官共三千四十四 **釣先押赴閼糧草在靈武道收貯** 晉州安叔千進廳頭軍何彥温已下一百人鞍馬器仗全 人馬軍七百七十二人步軍一千七百七十二人馬八 百足衣甲器械旗槍共四十三萬事件並在本道 巻四百八十五

助供軍討叛也三年肇與鄴都留守各貢助軍絹萬匹 宰臣三司使各有貢物助軍 J. 5 ... /11. 邦家所急食貸為先雖屬之計臣亦成於民力馬西漢 州彦卿進錦絲三千匹軍糧萬石 周符彦卿為青州節度使太祖廣順二 而下乃有迹在編民名泰著位屬戎車屢駕有蠲金之 輸財 冊存元直 年車駕平定亥 扌

漢史弘肇為侍衛使氧祐元年獻錢萬紹馬二十疋以

漢卜式齊人武帝時方事匈奴式上書願輸家財半助 費歲穀不登無九年之蓄天子為之肝食黎民由是阻 冤使者曰尚子何欲貼必有所欲 式曰天子誅白 争邑人貧者貸之不善者教之所居皆從式式何故見 願也使者曰家豈有冤欲言事乎式曰臣生與人無所 邊帝使使問式欲為官乎式曰自小牧羊不習仕宦不 馬斯亦爱君憂國感於忠義者之所為也 饑于是乎發其私帑獻其井賦以助國用而歸之有司 老四百八十五

式歸牧田歲餘會渾邪等降縣官費聚倉府空倉栗 萬與河南太守以給徙民河南上富人助貧者帝識式 愚以賢者宜死節有財者宜輸之如此而匈奴可減也 姓名曰是固前欲輸其家半財助邊乃賜式外繇四百 也貧民大徒皆仰給縣官無以盡膽式復持錢二十 復除四百人也式又盡復於官是時富豪皆争匿財外緣役之外得式又盡復於官是時富豪皆争匿財 郎賜爵左庶長田十頃布告天下尊顯以風百姓 惟式尤欲助費帝於是以式終長者乃名拜式為 府所

一欽定四庫全書 杜緩御史大夫延年之子緩為太常嗣建平侯元帝 後漢王丹京兆下邳人家累千金光武時前将軍鄧禹 前後數百萬 即位穀贵民流永平中西羌反輙上書入錢數以助 東海項王肅安帝永初中以西羌未平上錢二千萬元 馮 初中復上縑萬匹以助國貴 西征關中軍糧乏丹率宗族上麥二千斛禹表丹領左 胡稱疾不視事免歸 巻四百八十五 初 用

早民熊耕詣縣陳辭曰今年亢旱禾稼不登氓黎熊餒 宋徐耕晉陵延陵人為平原令文帝元嘉二十一年 求入三歲租稅以助郡國稟假詔許之 張禹為太尉封安鄉侯後連歲災荒府藏空虚禹上 穀轉貴雜索無所方涉春夏日月悠長不有微救永無 任城王崇順帝時羌虜數反崇報上錢帛征邊費冲帝 ていし シー ハートラ 初復上錢三百萬助山陵用度朝廷嘉而不受 採掇存命聖上哀矜已垂存拯但罄未久困殆者衆米 冊符元値

感能不傷心雜得少米資供朝夕志欲自竭義存分飱 濟理不惟凡瑣敢憂身外鹿鳴之求思同野草氣類之 |楊塵崇益山海為言上當時議者以耕比漢卜式詔書 所 並皆保熟所失盖惟陳積之穀皆巨萬旱之所弊實鍾 内特為偏枯此郡雖弊猶有富室丞陂之家處處而是 貧民温富之家各有財寶謂此等並宜助官得過儉月 今以千斛助官販貸此境連年不熟今歲尤甚晉陵境 損至輕所濟甚重今敢自勵為勸造之端實願决水 巻四百八十五

道盖各以穀五百斛助官脈恤 嚴成東海人孝武帝大明八年東土僟旱成與東莞王 褒美以縣令 田谷以助軍資 梁髙祖天監七年以與師費用王公以下各上國租及 彭城王劭襲父勰封孝明初梁武遣将犯邊劭上表曰 魏任城王澄為尚書孝文南伐留澄居守澄表請以 嚴租帛助軍資部受其高平租

差近謹奉栗九千斛資絹六百疋國吏二百人以充軍 偽監游魂闚観邊境勞兵無時日有千金之費臣仰藉 城陽王榝為鎮軍将軍于時戎馬在郊王師屢敗檄以 先資叨享厚秩思以埃塵用裡山海臣國封徐州去軍 不納 軍旅之費上助國絹二千疋栗一萬石以助軍用孝明 用靈太后嘉其至意而不許之 **倭綱初為太子中庶子迎孝明于東宮以功封武陽縣**

飲定四庫全書

巻四百八十五

宣義郎 霍王元軌髙祖子髙宗調露二年二 栗助給軍糧為假清河太守 隋王辯字警畧馮翊蒲城人祖訓以行商致富魏世出 不足求以封邑俸栗脈給征人孝明許之 侯食邑二千戸後為軍騎大将軍啓曰軍旅稍與國用 布帛五千段以資征人太宗嘉之比于漢之卜式拜為 唐彭惠通安州人貞觀十八年太宗征遼東惠通請出 用符元值 月率文武百官詣

金定四库全書 嚴震梓州鹽亭人祖父田農為業以財於鄉里肅宗 閥上表請各出 徳乾元以後震屢出家財以助邊軍授賜合州長史王 馬價雖記古不允內外稱之 郭子儀為邠寧節度使代宗大歷八年十二月廻紀亦 府諮議泰軍 廻紇前後立功不可阻其意請自納一 心賣馬一萬匹有司以國計不充計市六千匹子儀以 月俸料供軍以討突厥韶從之 老四百八十五 年俸物充廻約 至

羅紹威為魏博節度使哀帝即位紹威進救接百官絹 為吾人堅拒其請寧先拒乎藏于私室無異公帑及莊 潘侯皆梁之舊将吾主射鉤斬祛之怨也一 侯賂遺親友密規之崇韜曰予備位将相禄賜巨萬不 後唐郭崇韜莊宗同光中為樞密使初在汴維稍通諸 千疋綿三千兩 宗将行郊禮有司計府庫闕勞軍錢崇韜首出積十萬 俟他財以致富但以朱氏之日以賂遗成風今之方面 1 旦革面化 Ē

欽定四庫全書 贯以助郊祀 萬助西軍進討詔本州補教練使人 張筠為左驍衛上将軍致仕長與元年十月進助軍栗 安重誨為樞密使明宗三年五月以有事于中山進馬 鄭師文絳州人清泰中末帝親征太原師文獻錢五千 石 五千石是月與元府奏軍府官共進助軍栗三萬三千 十疋助戎事藩侯郡守遂相次進之 老四百八十五月月五

人子可是 至十 之中不願適任進亦如前方免其行少帝開運元年 錢五萬貫出典雄州辭以州在靈武西鄙處吐蕃部族 清泰中進錢五萬貫尋領衢州刺史及高祖即位後獻 晉東正辭初任梁乾化貞明中歷飛龍沂州副使後唐 禄供事戎仗三司歲支錢六千萬自暉臨鎮已来皆以 從賓張希崇相承三正市馬和羅入蕃客賞賜軍州俸 加檢討司徒使與朝請二年助國錢三萬銀一萬兩 暉為靈州節度使天福中官吏言朔方軍自康福張 册府元遍 主

萬貫 金万四月分言 茶一千五百斤絲綿十萬兩尋授彦儒沂州刺史 千石 皇甫立為金吾衛上将軍少帝天福八年進助國粟三 周彦儒平虜軍節度使知溫之子知溫積貨數百萬天 **已物供用** 福元年卒幕客顔行勸彦儒進錢以助國用乃進錢三 周鄭陽前為賴川馬步軍教練使家富于財顯德三年 萬貫 一云十 絹二萬匹布一萬匹金一百兩銀一千两 老四百八十五

式之意也帝以陽為左監門衛将軍致仕賜襲衣銀帯 世宗親征淮南至壽春陽進錢二萬以助軍用盖做卜 丹行元色 Ē

	 	 	 <u> </u>	
冊府元龜卷四百八十五				多定四庫全書
卷四百				7
日八十五				老四百八十五
	-			
				:

欽定四庫全書 之際聊可紀述施及周室六官並建而司民掌登萬民 とういう とはっ 之數自生齒以上皆書於版太宰之職聽問里以版圖 自黄帝疆理天下畫為萬國而户籍之制無聞馬禹湯 册府元龜 巻四百八十六 邦計部 户籍 户籍 遷徙 册府元庵 宋 王欽若等

籍因革或異則國而降速於東晉係居頗衆多仍舊號 爾後南北之制並立公襲之典既殊隋令唐式斯可遵 然後計口占數之法著矣秦民之後迄于漢世書年附 金灯四四日十二 有司之傳史官之計不可以忽已 矣乃若比屋之登耗夫家之衆寡乘亂離之云瘼因而 夏禹平水土為九州人口千三百五十五萬三千九百 削減屬承平之寖久復以富庶皆開卷而可覿馬信乎 卷四百八十六

Ξ 始皇十六年初令男子書年 秦獻公十年為户籍相伍 莊王十三年五千里外非天子之御自太子公卿以下 周成王致理刑措人口千三百七十萬四千九百二十 御史律令圖書藏之沛公具知天下阨塞户口多少強 漢高帝初為沛公既至咸陽沛丞蕭何先入收秦丞相 至于庶人凡一千一百九十四萬一千九百二十三人

|飲定四庫全書 | 景帝二年令天下男子年二十始傳傳音附著也著 弱處民所疾苦者以何得泰圖書 六百四十八萬六千八百五十六 桓帝永壽三年户千六百七萬七千九百六十口五千 後漢光武中元二年户四百二十七萬九千六百三十四口 五十九萬四千九百七十八 平帝元始二年人户千二百二十三萬三千口五千九百 二千一百萬七千八百二十 巻四百八十六 名

魏陳留王時户六十六萬三千四百二十三口四百四 |晉武帝時户一百九十二萬六千八百四口千三百八 連 **呉大帝赤烏三年國中户五十二萬男女口二百三十** 蜀先主章武元年國有户二十萬男女口九十萬 十三萬二千八百八十一又平蜀得户二十八萬口九 十七萬二千八百九十一 **十四萬天下户九十四萬三千四百二十三口五百三** 册行无商

立郡縣往往散居無有土著 元帝時百姓自放奔者並謂之僑人皆取舊壤之名僑 十五以下至十三六十巳上至六十五為次丁十二以 十六萬三千八百六十三太康元年平呉收其圖籍得 下六十六以上為老小不事 百六十三有司又奏男子年十六已上至六十為正丁 百四十五萬九千八百四口千六百一十六萬三千八 户五十二萬三千男女口二百三十萬天下户二

一 飲定四庫全書

基四百八十六

戍制 欠己日耳心与 播越爰託淮海朝有與復之美民懷思本之心經略之 以實關中即以三輔為鄉間不復係之於齊楚自永嘉 為獎然九服弗擾所託成舊在漢西京大遷田景之族 田之制三代以隆秦華斯政漢遂不改富強無并於是 土攸序分境畫疆各安其居在昔風世人無遷業故井 宋高祖初為晉侍中錄尚書上表曰臣聞先王制治九 哀帝興寧二年三月庚戌朔大閔户人嚴法禁稱為庚 所在土著 一說天下 册府元色

終馬敬愛所託耳今所居累世墳壠成行敬恭之誠豈 滞常難與慮始所謂父母之邦以為桑梓者誠以生馬 臣荷重任恥責實深自非改調更張無以濟治夫人情 國豐實由於此自兹迄今彌歷年載畫一之制漸用 圖日不暇給是以寧民緩治猶有未追及至大司馬桓 弛雜居流寓間伍弗修王化所以未純民瘼所以猶 以民無定本傷治為深庚戌土斷以一其業于時財阜 不與事而至請准庾戍土斷之科庶子本所弘稍與事 温 在 頹

金月四

压石量

卷四百八十六

とこうこ 所敢合允請付外施行於是依界土斷惟徐充青三州 要終所以能易伏惟陛下垂矜萬民憐其所失永懷鴻 著然後率之以仁義鼓之以威武超大江而跨黄河 年先有狀黃籍猶存者聽復本注諸酱郡縣以北為 **永初元年八月戊午韶先是開赦限内首出蠲租布** 居晋陵者不在斷例諸流寓郡多被并省 鴈之詩思隆中興之業既委臣以國重期臣以寧齊若 九州而復舊土則戀本之志乃速申於當年在始暫勤 JIL W 册府元九

甚患庸愚守宰必有勤劇况值苛政豈可稱言至令逃 役十六全當以十三以上能自營私及公故以充役考 孝武大明八年户九十萬六千八百七十口四百六十 者悉除寓立於南者聽以南為號 之見事猶或未盡體有強弱不能稱耳循吏隱恤可無 八萬五千五百一是時王敬弘上言舊制人年十二半

方無事役名之宜應存消息十五至十六宜為半丁十

竄求免胎孕不育乃避罪憲實亦由兹令皇化惟新

面

多好四周全書

基四百八十六

造運道一関區貼長世之規申土斷之制而夷險 |成舊泊金行委御禮樂南移中州黎庶襁貿楊越聖武 漢陽烈熊代之豪闊西熾齊楚之族並通籍新邑即居 斯序雖綿代殊軌沿革異儀或民懷遷俗或國尚與徙 **煥乎姬典故井遂有辨問伍無雜用能七教充宣八** 後廢帝元繳元年詔曰分方正俗著自虞册川谷異制 七為全丁帝從之 盈晦遊襲蔵鐘彫流戎役惰散違鄉寓境漸至繁積宜 丹子二百 相 政 因

|欽定四庫全書 南齊太祖建元二年物黃門郎虞玩之與驍騎將軍傅 式遵鴻軌以為永憲庶阜俗昌民反風定保夷胥山之 堅意簡定簿籍詔朝臣曰黄籍民之大紀國之治端 皆政之巨蠢教之深疵比年雖却籍改書終無得實若 顷民俗巧偽為日已久至乃竊注爵位盜易年月增損 險澄瀚海之波括 板停私而云隸後身強而稱六疾編户齊家少不如此 三狀貿襲萬端或户存而文書已絕或人在而反託死 河圖於九服振玉朝於五都矣 卷四百八十六 自

|之所始也元嘉中故光禄大夫傅隆年出七十猶手自 此急病之洪源晷景之切患以何科算革斯弊耶玩之 制 明以後樂補稍絕或緣冦難頻起軍隂易多民庶從利 **翳竝深明治體可各獻嘉謀以振澆化又臺坊訪募此** 約之以刑則民偽已遠若綏之以德則勝殘未易卿諸 上表日宋元嘉二十七年八條取人孝建元年書籍衆巧 坊者寡然國經未變朝紀常在相揆而言隆替何速 不近優刻素定間劇有常宋元嘉以前弦役常滿大 ī **进行元息** Ł

正其在勤明令長凡受籍縣不加簡合封送州州簡 愚謹陳妄說古之共治天下惟良二千石今欲求治 書籍躬加隐校何必有石建之慎高柔之勤益以世屬 者猶未及四萬神州與區尚或如此江湘諸郡倍不可 愈厚而答愈緩自泰始三年至元凝四年揚州等九郡 實方却歸縣吏貪其縣民肆其奸奸彌深而却彌多縣 体明服道修身故耳今陛下日 旰忘食未明求衣詔逮幽 四號黃籍共却七萬一千餘户于今十一年矣而所 V 表加 百八十 取 JE,

官長所拘録復為不少尋蘓峻平後庾亮就温嶠求 者三分始無一馬熟簿所領而許注解籍浮遊世要非 念愚謂宜以元嘉二十七年籍為正民惰法既父今建 弊亦有以自孝建以來入敷者衆其中操干戈衛社 有虚昧州縣同科今户口多少不減元嘉而板募頓 元元年書籍宜更立明科一聽首悔迷而不反依制 戮使官長於簡校必令 明洗然後上州永以為正若 而婚不與以為陷似所上多非實録尋物之懷私無 丹行元盾 勲 稷 闕

一 飲定四庫全書 并居竟不編户遷徙去來公達土斷屬役無滿流亡不 人又生不長髮便謂為道填街溢巷是處皆然或抱子 大半矣又有改注籍狀訴入仕流告為人役者今反役 世不有宋末落紐此巧尤多又將位既聚舉邮為録實 歸寧丧終身疾病長卧法令必行自然競反四鎮戍將 潤甚微而人領數萬如此二條天下合役之身已據其 山滿海皆是私役行貨求位其塗甚易募役早劇何為投補 有名寡實隨才部曲無辨勇懦署位借給巫媪比肩彌 巻四百八十六

洮 貴賤辨尊甲者莫不取信於黃籍豈有假器濫榮竊 年謫巧者成縁准各十年百姓怨望世祖乃詔曰夫簡 置 患在不行不患不行患在不久上省玩之表納之乃別 坊吏之所以盡百里之所以舜也今但使募制明信滿 賂因緣籍注錐正插強推却以充程限至世祖永明八 分故所以澄華虚妄式允舊章然釁起前代過非近 板籍官置令史限人一日得數巧以妨懈怠於是貸 有期民無選路則坊可立表而盈矣為治不患無制 野府元懿 服

一段定四库全書 來歲不問偽舊悉令著籍同土斷之例 良可哀惕其亡鄉失土逐食流移者今年內隨其適樂 陳文帝天嘉元年詔曰自頃喪亂編户播遷言念餘黎 **梁高祖天監元年土斷南徐州諸僑郡縣** 趙役邊疆各許還本此後有犯嚴加翦治 失既徃之諐不足追咎自宋昇明以來皆聽復注其有 宣帝時户六十萬 後主時户五十萬口二百萬 Į, 卷四百八十六

者充從之 強徵飲倍于公賦是年給事中李沖上言宜准古五家 户籍魏初不立三長故民多陰附陰附者皆無官役豪 後魏孝文太和十年二月甲戌初立黨里隣三長定民 貸平均然乃者以來猶有餓死衢路無人收識良踩本 亂難可分簡故依局割民閱户造籍欲令去留得實脈 年九月詔曰去夏以歲早民饑須遣就食舊籍雜 隣長五隣立一里長五里立一黨長取鄉人強謹 肝牙亡菌

|飲定四庫全書 部不明籍貫未實禀恤不用以至於此朕很居民上 惟全盛户口之數比晉太康倍而餘矣妆冊太 錢是時法網寬弛百姓多離舊居闕於徭賦神武刀命 北齊神武為東魏孝靜相與和中頻嚴大穣穀斛至九 千三百六十八 孝莊末爾朱之亂其後分為二國户三百三十七萬五 用慨然可重遣精簡勿令遗漏一人孝明正光以前時 萬 則 五 ថ 百 餘萬 **令 云 倍** × 矣 而 巷四百八十六 康元 呬 + 聞 年 瓦

武成河清三年定令乃命人居十家為比隣五十家為 各勒還本屬 六以上十七以下為中六十六以上為老十五以下為 二十八口二千萬六千八百八十 間里 百家為族黨男子十八以上六十五以下為丁十 少帝承光元年為周師所滅有户三百三萬二千五百 册行元题

孫騰高隆之分括無籍之户得六十餘萬於是係居者

|欽定四庫全書 宣帝大泉中户三百五十九萬口九百萬 隋高祖開皇二年受周禪有户三百六十萬乃頌新令 里之數會六畜車乗之稽審賦役斂弛之節制畿疆修 後周太祖為相創制六官載師掌任土之法辨夫家田 三年正月初令軍人以二十一成丁是時山東尚承齊 以上為丁以從課役六十為老乃免 男女三歲以下為黄十歲以下為小十七以下為中十八 廣之域颁施惠之要審收産之政 表四百八十六

常徵納除注常多長吏肆情文帳出沒復無定簿難以 長遠配而又開相糾之科大功以下兼合折籍各為户 小規免雜賦高祖乃令州縣大索貌閱户口不實者正 頭 俗機巧奸偽避役惰遊者十六七四方疲人或詐老或 巡 萬一千五百户左僕射高頻以人間課役雖有定分年 校乃為輸籍定樣請遍下諸州每年正月五日縣令 人各隨便延五黨共為一團依樣定户上下帝從之 以防容隱於是計帳進二十四萬三千丁新附六十四 ī 世行むし

依舊式 地罕包桑常為流寓之人竟無鄉里之號朕甚愍之凡 包兵士軍人構置坊府南征北伐居處無定家無完堵 自是奸無所容矣 |欽定匹庫全書 大業二年户八百九十萬七千五百三十六口四千六 煬帝即位詔男子以二十二成丁 是居人可悉屬州縣墾田籍帳一與民同軍府統領宜 十年五月詔曰魏末丧亂寓縣瓜分役車歲動未遑休

六年三月令以始生為黄四歲為小十六為中二十一 課役 太宗貞觀中戸不満三百萬 九年三月詔天下户為三等未盡升降宜為九等 唐高祖武德二年十二月七日勑百姓年五十者皆免 為丁六十為老是月令天下户量其資産定為三等每 造帳三年一造籍州縣留五比尚書省留三比 萬九千九百五十六

二十年太宗問民部侍郎盧承慶歷代户口多少之數 去年進户多少履行奏去年進户一十五萬髙宗以天 高宗永徽三年七月二十二日帝問户部尚書高履行 承慶叙夏殷之後迄於周隋皆有依據太宗嗟赏久之 業中户八百七十萬今户三百八十五萬帝曰自隋末 **乳離户口減耗週來雖復蘇息猶大少于隋初** 十年足堪殷實因問隋有幾户今有幾户履行奏隋大 下進户既多謂無忌曰比來國家無事户口稍多三二

|欽定四庫全書

巷四百八十六

萬户 五年二月初天下二年一定户 奏大業初有八百餘萬户末年離亂至武德有二百餘 總章元年十月司空李勣破高麗國虜其王下城百七 顯慶二年十月高宗問中書令杜正倫隋有幾户正倫 則天延載元年八月勑諸户口計年將入丁老疾應免 儀鳳二年二月初自今以後漢省籍及州縣籍 ファーフ・ユー・ニテ 十户六十九萬七千二百配江淮以南山南京西 野莳元鹛 古四

|舒定匹库全書 籍而已今天下之人流散非一或建背軍鎮或因緣逐 之衆而係貫不失按此可知者在于各有管統明其簿 證聖元年鳳閣舎人李嶠上表曰臣聞黎庶之數户口 得更貌疑有奸濫者聽隨時貌定以附手實 課役及給侍者皆縣親貌形狀以為定簿一定已後不 蠲闕於常賦亦自誘動愚俗堪為患禍不可不深慮也 糧茍免歳時偷避徭役此等浮衣寓食積歳淹年王役 不供簿籍不挂或出入關防或往來山澤非直課調 卷四百八十六 虚

宜令御史督察簡校設禁令以防之垂恩德以撫之施 縱更搜簡而委之州縣則還襲舊蹤卒於無益臣以為 積習簡複者無當停止者獲原浮逃不悛亦由於此今 或逃亡之户或有簡察即轉入他境還行自容所司 權衙以御之為制限以一之然後逃亡可還浮寓可絕 **燃達加之刑罰則百州千郡庸可盡科前既依違後** 具條科領其法禁而相看為例莫適遵承縱欲糾其 , こうこ 謂禁令者使問閱可保追相覺察前後乖避皆許自 111 野科元節 <u>ተ</u> 錐

使知勘 新仍有不出軟聽相告每料一人随事加賞明為科 | 銀定四庫全書 |者或不達於變通以為軍府之地户不可移關輔之人 編為户夫顏小利者失大計存近務者丧遠圖今之 能致者乃給程糧使達本貫所謂權衙者逃人有絕家 田 軍離鎮亦皆拾而不問寬而勿徴其應還家而貧乏不 地荒廢即當服其乏少助其修營雖有欠賦懸徭背 鄉離本失業心樂所住情不願還聽於所在課名 沮所謂思德者逃亡之徒人離桑梓糧儲空 卷四月 百八十六 闕 E)

萬歲通天元年七月二十二日勑天下百姓父母另外 遺人無所匿矣 禁與人更始所謂限制者逃亡之人應自首者以符到百 等量為節文般富者令還貧弱者令住簡責已定計科 割隷也就令逃亡者多不能總許割隷猶當計其户口 買不可改而越關繼踵背府相尋是開其逃亡而禁其 ここり きこう 日為限限滿不出依法科罪遷之邊州如此則户無所 明户無失編人無廢業然後按前獨申舊章嚴為防 册舟元商

景龍二年閏九月勑諸籍應送省者附當州庸調車送 其差科各從折户祗承勿容遞相影馥 繼別籍者所析之户等第並須與本户同不得降下其 一多片四库全書 中宗神龍元年五月十八日制二十二成丁五十九免 應入役者共計本户丁中用為等級不得以析生蠲免 百四十一 人所奏 因常庶 月户部尚書蘇臻奏計户六百三十五萬六千 巻四百八十六

十二年八月宇文融除御史中丞充諸色安輯户口使 官數十人使還得户八十餘萬田亦稱是 唇宗景雲元年七月物章庶人所奏成丁入老宜停 宗祖廟難毀其子孫皆於宗正附籍自外悉依百姓例 籍手實計帳常留五比省籍留九比其遠年依次除皇 若庸調不入京催脚運送所須脚直以官物充諸州縣 察色役偽濫并逃户及籍田因令充使於是奏勘農判 玄宗開元九年正月二十八日監察御史字文融請簡 りきした

| 欽定匹庫全書 是月又物諸户籍三年一造起正月上旬縣司責手實 京都委御史外州委本道如有隱蔽不言隨事彈奏 計帳赴州依式勘造鄉別為卷總寫三通其維皆注某 不得更然如有喝請者所由牧宰録名封進朕當處分 商大贾多與官吏往還遞相憑獨求居下等自今以後 十八年十一月勑天下户等第未平昇降須實比來富 六十五 十四年户部進計帳言今年管户七百六萬九千五 $\overline{\nearrow}$ 表四百八十六 百

二十二年户部計帳管户八百萬八千七百一十 六口四千五百四十三萬一千二百六十五 附 裝潢並皆出當户户口內外一錢其户每以造籍年顏 定為九等便注籍脚有析生新附者于舊户後以次編 納訖並装潢一通送尚書省州縣各留一通所須紙筆 二十年户部計帳管户七百八十六萬一千二百三十

久已四年八十二

册府元炮

州某縣某年籍州名用州印縣名用縣印三月三十日

實數同申並委採訪使重覆報省所司明為課最具條 者並宜分明交付州縣仍每至年終各具存亡及增 牧宰輯寧兆庶若考論政績在户口存亡不有甄明 二十四年三月勑朕以百姓為心固非一人獨理委之 年租庸資課 恐賞罰自今以後天下諸州户口或刺史縣令自離 七月初諸州逃人先除籍帳能自歸復業者其應徵當 件奏聞隨事褒貶以旌善惡 える 事已上並宜放免其隱漏舉首改正 卷四百八十六 加 何

當州録奏自今已後並宜牒報本道採訪使同勘當道 二十六年二月物諸州應歸首復業比來每至年終皆 等亦宜准此 三月勑天下諸州每歲一團貌既以轉年為定復有籍 長等名品録奏其籍仍寫兩本送户部 歸首人每州畧單數同一狀奏仍挾名報所由 事參軍審加勘覆更有疎遺者委所司具本判官及官 二十九年二月物自今以後應造籍宜令州縣長令録

次足四車公野一

册府元商

九

書可憑何至勞煩不從簡易於人非便事資釐華自今 者放一丁即命同籍共居以敦風教如更犯者准法科 苟為規避父母見在别籍異居宜令州縣仔細勘會其 所司條件處分 以後每年小團宜停待至三年定户日一時團貌仍令 天寶元年正月制節文如聞百姓之内或有户高丁多 罪是年户八百三十四萬八千三百九十五口四千五 一家之中有十丁以上者放两丁征行賦役五丁已上 ·卷四百八十六

部各門一本十二月二十五日赦文比者成童之歲則 年號一切為載其後造帳記歲月云若干載自餘表狀 百三十一萬一千二百七十二萬五千七百六十三 挂輕徭既冠之年使當正役閔其勞若用軫于懷自今 二月二十五日制天下籍造四本京師東京尚書省户 文章並准此 三年正月十六日初天寶三年改為三載者所論前後 以後百姓宜以十八已上為中男二十三已上成丁

一次定四軍全書

州府元龜

法贵從寬所以比來未全定户今已經數載産業或成 適 **際有深察之明間里之間無不均之歎頃以人不欲擾** 審其户等極貧乏之人賦彼商賈抑浮惰之業優劣之 於人且什一而稅前王令典農商異宜舊制猶關令欲 為高下狗其虚妄令不均平使每等之中皆稱允當仍 令與村鄉對定審於衆議察以資財不得容有愛憎以 四載三月勑朕聽政之餘而精思理本意有所得庶益 可因兹平於賦稅自今已後每至定户之時宜委縣

|飲定四庫全書 | 五載六月初自今以後應造籍帳及公私文書所言田 尚書省产部各貯一本 式應察問對眾取平是載制天下籍造四本京師東京 七月粉令載諸郡因團貌宜便定户自今已後任依常 先從高等務兹不足庶叶桑倫是月产部郎中王鉄加 定之人便與節級科罪覆定之後明立簿書每有差科 委太守詳覆如有不平縣令録奏量事貶降其鄉村對 勾當户口色役使 册府元德

貌 地四至者改為路 乾元三年計户一百九十三萬一千三百二十五 肅宗至德二載 計户八百一萬八千七百一十 亦有團貌計其轉年合入中男成丁五十九者任退團 九載十二月二十九日物天下郡縣錐一載定户每載 **丁二載正月勑應送東京籍宜停** 三載計户九百六十一萬九千一百五十四

代宗寶應元年九月物客户若住經一年已上自貼買 |次定四車全書 | 切編附為百姓差科比居人例量減一半底填逃散 得田地有農桑者無問於莊陰家住及自造屋舎勒 在實户量貧富作等第差科不得依舊籍帳是年計户 二年二月二十一日赦天下户口委翰刺史縣令據見 大歷四年八月物名籍一家輕請移改許同規避多出 二百九十三萬三千一百二十五 廣德元年七月赦天下男子二十五成丁五十五入老 册府亢進 Ī

七 十 六 建中元年十二月定天下兩稅户凡三百八十萬五千 籍者罷之初户部奏請令造籍從之尋以為未可故罷 德宗以大歷十四年即位十一月已五詔令前州府造 此流自今以後割貫改名一切禁斷 贞元三年五月詔曰諸州户減耗三分去二其官員亦 卷四

令減省

憲宗元和二年十二月史官李吉甫等撰元和國計簿

一段定四車全書 一 量士馬三分加一卒以两户資一兵其他水旱所損徵 科妄飲又在常役之外李吉甫等又云元和中户二百 之户四分有一天下兵我仰給縣官八十三萬餘人比 湖南等道合四十九州一百四十萬户比量天寶供稅 歌每歲賦入倚辨止於浙西東宣飲淮南江西鄂岳福建 縣一千四百五十三見定户二百四十四萬二百五十 十卷總計天下方鎮凡四十八道管州府二百九十三 博鎮鎮范陽淮西淄青十五道七十一州拉不申 其鳳翔鄉 坊邻寧提武涅原銀夏靈监河東易定魏 册府元龜 四十七萬三千九百六十三

授大郡令撫傷殘臣昨尋舊案詢問間里承前徵稅並 千二百五十七臣到後團定户稅次簡責出所由隱藏 六年正月衙州刺史吕温奏當州舊額户一萬八千 無等第又二十餘年都不定户存亡孰察貧富不均臣 不輸稅户一萬六千七伏緣里恩録臣在道州徵効报 百七除貧窮死絕老幼單孤不支濟等外堪差科户八 不敢因循設法團定簡獲隱户數約萬餘州縣雖不增 科所由已私自級率與其潛資於奸吏豈若均助於 老凶 E 四

|飲定四庫全書 | | 棄于鄉井户部版籍虚繁姓名建中元年以來改革舊 疲人臣請作此方圓以救凋瘵庶得下免偏苦上不闕 移宗以元和十五年正月即位勃天下百姓自屬艱難 使嚴加訪察必令請實 益至于税额 析户以张虚数或分産以繁户名兼招引浮客用為增 二月制自定两税以來刺史以户口増減為殿最故有 物宜付所司 無所加徒使人心易搖土著者寡觀察 トロラへ 毒

文宗大和中户四百三十五萬七千五百七十三 長慶中户三百九十四萬四千五百九十五 年一定两税非論土著客居但據資産差卒 敬宗寳歷中户三百九十七萬八千九百八十二 制悉歸两稅法久即弊奸濫益生自令以後宜准例三 天下有觀察者十節度者二十有九防禦者四經畧者 圖其表畧曰起自至德戟元之後迄于貞元元和之際 開成二年正月户部侍郎判度支王彦威進所撰供軍

三掎角之師大牙相制大都通色無不有兵約計中外 |改定四軍全書 | 四十萬泉仰給度支伏以時逢理安運屬神聖然而兵 奉府圖輛篆事功庶神聖覧四年計户都管四百九十 馬三分之中二給衣賜自留州使兵士衣食之外其餘 不可拜食或惟時憂勤之端兵食是切臣謬司邦計度 额又約九十九萬通計三户資奉一兵令計天下租賦 兵額义至八十餘萬長慶户口凡三百三十五萬而兵 歲所入總不過三千五百餘萬而上供之數三之 田府元義. Ī

武宗會昌中户四百九十五萬五千一百五十 尼二十六萬五千餘人奴婢為两稅户十五萬人 中外誠臣協予正意濟人利衆予不讓馬天下還俗僧 食待蠶而衣貞觀開元亦常釐革刻除不盡流行滋多 婦不織有受其寒者今天下僧尼不可勝數皆待農而 **寝與是逢季時傳此異俗且一夫不田有受其餒者一** 九萬六千七百五十二 五年八月制展聞三代已前未常言佛漢魏之後像教

改定四車全書 题 晉少帝開運元年八月物夏秋徵科為帳籍一季一奏 梁太祖開平三年中書侍郎同平章事判户部事于兢 團并鄉村大率以百户為團每團選三大户為者老凡 三十四頃淮南郡縣不在此數是月又韶諸道州府令 奏伏乞降詔天下州府各准舊章申送户口籍帳允之 人使于諸州簡定民租明年春使廻總計簡到户二百 三十萬九千八百一十二定墾田一百八萬五千八 周世宗顯德五年十月命左散騎常侍父頳等三十四 明府元 亀 百

訾大族或應募而徙或占數以居時加厚賜以申善誘 秦漢之後或充實關輔或尊奉園邑繇是温房富室高 **貫之制傷矣周室之後施於列國遷徙民籍斯可縣舉** 他鄉則為之旌節而行之無節則内之圛土益徙名移 户均之仍每及三載即一如是 夫家之有奸盜者三大户察之民田之有耗登者三大 周官比長之職凡徒于國中及郊則從而授之若徙于 遷徙

欽定四庫全書 之蠲復斯固有如歸之美無失所之嘆也已 周武王克商成周既成本哪選殷頑民敗失夫士 貊之政則又僑置郡縣空其疆宇者馬若乃狗人之欲 至於畏敵國之侵擾濟窮邊之虛弱破姦猾之伍章 因地之利就寬曠而為樂迢舊故而攸寧優其賑給 近 之所 中 王既践在遷其君于浦姑已減奏 之王都 圕 枚 周公以王命韶稱成 灭 別府元亀 王 命 于 而 淆 徙 其 枯 Ī 蒲姑 君 及 ı. 綖 加 故不 臣

田益之 徒民於北河榆中三萬家 秦始皇二十 景王十二年 向之民于郊 王十五年 故公 外邊 +, 一于夷 求 人實其處 以夷田 者 為 年王以 故 九魯
年昭
公 鲁 八年徙點首三萬户琅邪臺下三十六年 典 城义人 年 公 楚然丹遷城父人於陳以夷濮西 夏盟向求成于鄭既而背之, 秋鄭人齊人衛人伐盟向王遷盟 7 遷方城外人於許武十五年 邑向 許許

漢髙祖五年九月徙諸侯於屬中 |決定四車全書 姓以中與利田宅初劉敬使匈奴來因言匈奴河南白 九年十一月徙齊楚大族昭氏屈氏景氏懷氏田氏五 **冠東有六國強族一日有變陛下亦未得安枕而卧也** 昭屈景莫與皆二國今陛下雖都關中實少人北近 洋樓煩王 實 可以至言的奴敬泰中新破 少民地肥饒可益實夫諸侯初起時非齊諸田楚 白 剛 洋甸 也 奴 去長安近者七百里輕騎一日 册府元題 泰中 輧 破 謂 謂 鯯 經 中故 兵革之後 泰地

萬餘口 景帝元年正月詔曰其議民欲徙寬大地者聽之 武帝建元二年作茂陵邑三年春赐徙茂林者户錢 臣願陛下徙齊諸田楚昭屈景熊趙韓魏後及豪傑名 此強本弱末之術也帝曰善乃使劉敬徙所言關中十 家且實關中無事可以備胡諸侯有變亦足率以東伐 元朔二年夏慕民徙朔方十萬口又徙郡國豪傑及些 十萬田二頃

猾此所謂不誅而害除帝從之 |飲定四庫全書 | | | |元封元年東越殺王餘善降詔曰東越險阻反覆為後 元将五年徙天下奸猾吏民于邊将校也音 三百萬已上于茂陵初主父偃説帝曰茂陵初立天下 是年分武威酒泉地置張掖敦煌郡徙民以實之 元門六年開西南夷置郡縣徙吕氏以充之因名不章 豪傑兼并之家亂衆民皆可徙茂陵内實京師外消姦 **手**蜀 泰 漠故 徙吕 い 不幸子弟 為 名 息の日へ 十六冊府元題 芜

世患遷其民於江淮間遂虚其地三年秋分徙酒泉郡 昭帝始元三年秋募民徙雲陵賜錢田宅 四 太始元年徙郡國吏民豪傑于茂陵雲陵 之謂 也不 盡 年夏徒三輔富人于雲陵賜錢户十萬 而起雲陵武 陵 耳 鈎 **本始元年春正月慕郡國吏民對百萬以上徙平** 茂 有 雲陵 趙 陵 帝 婕妤死 Ìή ŧ) 起而 莽 雲陽至 雲 陽 甘 絽 泉 帝 沂 居 故 姑 當 總 鹎 尊為 使徒 潙 雲

|飲定四車全書 | 宅 後漢光武建武十五年徙鴈門代郡上谷三郡民置常 于昌陵賜丞相御史將軍列侯公主中二千石冢地第 成帝鴻嘉二年夏徙郡國豪傑赀五百萬以上五千户 元康元年徙丞相將軍列侯吏二千石貲百萬者杜陵 二年春以水街錢為平陵徒民起第宅水断與 言宣帝即位 作 雷 ř] 為異 農 今 州府元亀 政 出 水 主 府 rt. 縣

關居庸關以東 前吉田代都 中 捕斬其渠帥餘黨坐者數十人意上言惡止其身可 十七年趙憙為平原太守時平原多盜贼憙與諸郡討 二十六年雲中五原朔方北地定襄鴈門上谷代八郡 切徙京師近郡帝從之乃悉移置顏川陳留 护 民歸於本土遣謁者分将施刑補理城郭發遣邊民在 前 上悔 國者布選諸縣皆賜以装錢轉輸給食東親記曰 徙之 庸縣有 剧時 有 胡 毯 常 数犯逢故山關上谷 徙郡

蘇從關中民又招納亡叛以充之數年民間户稍實曹 單 獻帝建安十六年曹公西征初自天子西遷維陽人民 徙池陽上郡徙衙 安帝永初五年三月詔隴西徙襄武安定徙美陽北地 順帝永建四年復安定北地上都歸舊土 盡其後鍾繇以侍中守司隸校尉持節督關中諸 在關中得以為資 八年曹公恐江濱郡縣為呉所略徵令內移民轉相 出月 うしん 軍

|改定四庫全書 | | |

驚自廬江九江靳春廣陵户十餘萬皆東渡江江西遂 二十年曹公征張魯魯降雅州刺史張既說曹公拔漢 虚合肥以南惟有皖城 徙民以充河北隴西天水南安民相恐動擾擾不安既 中民數萬户以實長安及三輔其後與曹洪破兵蘭于 魏文帝改長安熊許昌濮維陽為五都令天下聽內徒 假三郡人為將吏者体課使治屋宅作水碓民心遂安 下辯又與夏侯淵宋建別攻臨洮狄道平之是時太祖

致定四庫全書 | 晉宣帝為縣騎大將軍都督雍州表徙冀州農夫個 蜀後主建興十四年徙武都氏王持健及氏民四百餘 户於廣都 吏民渡海居齊郡界以故縱城為新沓縣以居徙民 齊王以明帝景初三年正月即位六月以遼東東沓縣 之西安臨淄昌國縣界為新汶南豐縣以居流民 正始元年二月以遼東汶北豐縣民流徒渡海居齊郡 册府元瀬 Ī

復五年安後又增其後

邽 荆土肅然 武帝大康中杜預為征南將軍初代吳軍至江陵因兵 之在襄國勒將逐音明攻軍黑於在平降之因破東於 威徙将士屯戍之家以實江北南郡故地各樹之長吏 酸棗而還徙降人二萬餘户於襄國又徙平原烏九展 孝武帝大元元年十月移淮北流人於淮南 後趙石勒 廣劉哆等部三萬餘户於襄國劉琨長史李弘以并州

|關中處烏九雜類于馮翊北地丁零程斌于新安徒陳 地 欽定四庫全書 人 前秦苻坚既平都被風東豪傑及諸雜夷十萬户于 111 顏之間故世仕江表 柳恭為河東郡守以季龍末喪亂乃率民南徙居于汝 石季龍又徙逸西北平漁陽萬户于充豫雍维四州之 降勒勒乃遷陽曲樂平户于褒國置守宰而還又徙秦 郡部界五千餘户于廣宗 州府元亀 洼

紫者悉聽之 閨 於安定尋徙新安及姚泓僭立羌酋黨容率所部叛遣 鎮安定徙安定千餘家于陰審姚興徙李閏羌三千家 **丧與符登相持時長以安定地狹且逼符登使姚碩德** 後秦姚英僭即位於長安乃徙安定五千餘户于長安 留東阿萬户以實青州諸因亂流移避仇遠徙欲還舊 姚讃討之容降徙其豪右數百萬于長安餘遣還李

兼容衆黨率衆三萬代高句聽襲其新城南蘇皆尅之 後無慕容垂徙徐州流人千餘户于黎陽 悲念舊中心勞無雀何徘徊意欲還故巢項之遂相扇 後梁吕光初徙西海郡人於諸郡其後謠曰朔馬心何 散其積聚徙其五千餘户于遼西 飲定四車全書 <u></u> 千餘口于京都 動復徙于西河樂都 宋文帝元嘉二十二年武陵王駿討緣沔蠻移一萬四 州府元龍 季四

萬許家 如之 多田少靈符表從無貨之家於餘姚鄞節三縣界墾起 孝武帝大明中孔靈符為丹陽尹山陽縣土境褊狹民 干家於瓜步征北泰軍程天祚徙江西流民於南州亦 一十七年使太子步兵校尉沈慶之自彭城徙流民數 十三年遷漢川流民于沔次 年冬徒彭城流民于瓜步淮西流民於姑孰合

湖田帝使公卿博議太宰江夏王義恭議曰夫訓農修 業窮身寒室必應徒居黃字疏皋產粒無待資公則公 居他縣尋山陰豪族富室項畝不少貧者肆力非為無 本有國所同土著之民習玩日久如京師無田不開徒 欽定四庫全書 未易充課私則私卒難具宜暴亡叛通鄉及與樂田者 **瓒之顧凱之顏師伯嗣湘東王議曰富户温房無假遷** 處耕起空流無救災飲又兼緣湖居民魚鳴為業及有 居肆理無樂徒尚書令柳元景右僕射劉秀之尚書王 との目へ十六册府元亀

|侍郎劉凱都顒議曰百姓雖不親農不無資生之路若 其往經創須粗修立然後徙居侍中沈懷文王景文黃門 去舊即新糧種俱闕習之既難勘之未易謂宜徵加資 謂宜通任民情從其所樂開宥通亡且令就業若審成 驅以就田則坐相達奪且鄞等三縣去治並遠既安之 給使得肆動明力田之賞申怠惰之罰光禄熟王昇之 民忽徙他邑新垣未立舊居已毀去留两因無以自資 **腴壤然後議逐太常王玄謨議曰小民貧匱遠就流疇**

都 |改定四軍全書 山徒山東六州民吏及徒何高麗雜夷三十六萬百工 議曰速廢之睛方前荆棘率課窮乏其事彌難資徒粗 伎巧十萬口以充京師 立徐行無晚帝違議從其徙民並成良業 後魏道武天與元年正月車駕發自中山至于望都堯 月韶給内徙新民耕牛計口受田 月徙六州二十二郡守宰豪傑吏民二千家於代 戸 州府元島 麦

太延元年詔長安及平凉民徒在京師其孤老不能自 太武始光四年帝率輕騎襲赫連昌徙萬餘家而還徙 明元泰常三年從真定幽三州徒何民於京師又 民在道多死其能到都者纔十六七 玄荒六郡民三萬家於幽州 延和元年車駕征馮文通徙營丘成周遼東樂浪帶方 年陳郡河南流民萬餘口内徙遣使者存勞之 事 清 門侍郎先是徒 徙 之平城清善綏 Ľ 何民 開倉以販之 散居三州 徙 者 颇 娥

飲定四庫全書 宣武正始元年以苑牧公田分賜代遷之户 是代人南者悉為河南雒陽人 孝文太和十九年韶遷雒之民葬河南不得遷河北於 獻文皇與三年徒青州民於京師 七年徙長安城内工巧二千家於京師 河南 太平真君六年徒青徐之人以實河北又陸佐太武 存者聽還鄉 其民六十家實河北 各地至濟南東平陵 册府元元 麦 畤

其民六千餘家於長安 北立郡縣置戍而還 孝明武泰元年鎮南將軍源子恭勒泉渡淮徒民於淮 **畧定乃遷江夏民二千餘户以實安州并築額山城而** 恭帝元年以巴湘初附詔李賢為郢州刺史總監諸軍 廢帝二年二月東梁州平遼遷其豪帥于雍州 西魏文帝大統十二年獨孙信平涼州擒宇文仲和遷 恭帝 周 年 北史西 號 뱜 魏 麽 欽 按岩

東魏孝靜天平元年遷都於鄴出粟一百三十六萬石

皆北徒並給常原春秋二時賜帛以供衣服之費

北齊神武帝為魏相命孫騰高隆之分括無籍之户得

設定四車全書 T

册府元德

文宣天保八年議徒其定流無田之人謂之樂遠于幽

州范陽寬鄉之處百姓縣擾又以頻歲不熟米雜湧贵

六十餘萬於是僑居者各勒還本屬

以販貧人是時六坊之衆從武帝而西者不能萬人餘

隋煬帝大業元年三月丁未詔尚書令楊素納言楊達 户故聽還雒州此外諸民欲往者亦任其意河南幽相 矣 將作大匠字文愷營建東京徒豫州郭下居民以實之 宣帝大象元年詔曰維陽舊都今既脩復凡是元遷之 後周武帝建德六年十二月行幸并州宫移并州軍 豫亳青徐七總官受東京六府處分 四萬户於關中

京者宜依本土置令以下下官部領就食劍南諸郡所 飲實繁帑藏猶殷宜垂拯濟木牛流馬非可轉輸樂土 蜀漢沃饒間里富於稍陷故栗同於水火囊者儲蓄徵 京師倉原軍國資用罄以恤民便闕支擬今岷嶓軟服 亡十不存一貿易妻子奔波道路錐加周給無救倒懸 又韶徙天下富商大買數萬家於東京 次定四車全書 一 重遷理無從卜則窮通之道將由華變外內户口見在 唐高祖初為唐王下令曰此年冠盜郡縣饑荒百姓流 册府元龍 麦

進止 太宗貞觀元年朝議户數之處聽徙寬鄉陝州刺史崔 止 若聽移轉便出關外此則虚近實遠非經通議其事遂 善為上表曰畿內之民是謂户殷丁壯之人悉入軍 有官物隨至雜給明立條格務使穩便秋次豐實更聽 則天天授二年七月二十四日徙關外雍同泰等七州 數十萬以實雄陽

者宜令州縣優恤給與聞地二周年不得差遣 飲定四車全書 敬宗實歷元年五月物點首如有願於所在編附籍帳 管客户州計會召取情願者隨其所樂具數奏聞 至彼給良沃田安置仍給永年優復宜令所司即與所 玄宗開元十六年十月勑州客户有情顧屬緣邊 、月戸へ 罕 州者

1			 i ———	
1				
1				
Ì				
	,			
1				
ĺ				
				:
				·
		ŀ		
	•			
l				